



Broj: 05-50-1-1547/16  
Sarajevo, 8.7.2016. godine

BOŠNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:		11-07-2016	
Organizaciona jedinica	Klasifikaciona oznaka	Radni broj	Broj priloga
01-	50-1-	15-25	16

**PARLAMENTARNA SKUPŠTINA BiH**

**- Zastupnički dom -**

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 63. sjednici održanoj 7.7.2016. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U pritvku proslijeđujemo Odgovor radi njegovog dostavljanja zastupniku.

S poštovanjem,

  
**GENERALNI TAJNIK**  
*Zvonimir Kutleša*



Bosnia and Herzegovina  
COUNCIL OF MINISTERS

Broj: 05-50-1-1547/16  
Sarajevo, 7.7.2016. godine

Gospodin Senad Šepić, predstavnik u Predstavničkom domu Parlamentarne skupštine Bosne i Hercegovine, na 170. sjednici ovog doma, održanoj 11.05.2016. godine, postavio je slijedeće poslaničko pitanje:

„Šta Vijeće ministara Bosne i Hercegovine konkretno radi i u kojoj je fazi zaključivanje Sporazuma o socijalnom osiguranju između Bosne i Hercegovine i Kanade?“

Na postavljeno pitanje Vijeće ministara Bosne i Hercegovine je na ~~63.~~ 63. sjednici održanoj ~~7.7.2016.~~ 7.7.2016. godine, utvrdio slijedeći

**ODGOVOR**

Ministarstvo civilnih poslova Bosne i Hercegovine, određeno je, u smislu člana 4. stav 2. Zakona o postupku zaključivanja i izvršavanja međunarodnih ugovora („Službeni glasnik BiH“, broj: 29/00 i 32/13), i člana 15. Zakona o ministarstvima i drugim organima uprave Bosne i Hercegovine („Službeni glasnik BiH“, broj: 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13), kao nadležno ministarstvo, za pokretanje postupka za zaključivanje međunarodnih ugovora iz oblasti socijalnog osiguranja.

Ministarstvo civilnih poslova Bosne i Hercegovine je u oktobru 2013. godine u Sarajevu, organiziralo sastanak između delegacija Bosne i Hercegovine i Kanade za preliminarne dogovore u cilju zaključivanja Sporazuma o socijalnom osiguranju između ove dvije države. Sastanak je organiziran radi međusobnog predstavljanja sistemima socijalne sigurnosti i upoznavanja zakonodavstava država ugovornica.

Sredinom 2014. godine, kanadska strana nas je informirala da će ponovo dolaziti u Europu u 2015. godini i da bi željeli da se ponovo susretnu s delegacijom Bosne i Hercegovine. Susret je upriličen početkom oktobra 2015. godine u Sarajevu. Tom prilikom delegacija Kanade je donijela Nacrt teksta Sporazuma o socijalnom osiguranju između naše dvije zemlje. Delegacija Bosne i Hercegovine je zatražila da nam se dodatno pojašne programi osiguranja za starost, pojedinosti o kanadskom penzionom planu, o ulozi kanadske poreske službe, kao i o mogućnosti obuhvata zdravstvenog osiguranja Sporazumom o socijalnom osiguranju.

Kanadska strana nas je upoznala da zdravstveno osiguranje ne može biti predmet ovog sporazuma, a zapreka je podijeljena nadležnost između države i provincija, tako da svaka provincija ima svoj program zdravstvene zaštite. Tokom razgovora je dogovoreno da će delegacija Kanade sačiniti prijedlog teksta Administrativnog ugovora za sprovođenje predmetnog Sporazuma, koji će elektronskim putem dostaviti Ministarstvu civilnih poslova Bosne i Hercegovine.

Cijeneći navedeni prioritet naših građana koji žive i rade u Kanadi, a posebno onih koji ne bi imali pravo na penziju prema zakonodavstvu Bosne i Hercegovine ili Kanade, to pravo bi regulisao budući Sporazum o socijalnom osiguranju između ove dvije zemlje. Ministarstvo civilnih poslova Bosne i Hercegovine je izvjestilo Vijeće ministara Bosne i Hercegovine o navedenim sastancima. Vijeće ministara Bosne i Hercegovine je na 37. sjednici održanoj 30.12.2015. godine, zadužilo Ministarstvo civilnih poslova Bosne i Hercegovine, da u skladu s odredbama Zakona o postupku zaključivanja i izvršavanja međunarodnih ugovora nastavi dalje aktivnosti u vezi s njegovim zaključivanjem.

S tim u vezi Ministarstvo civilnih poslova Bosne i Hercegovine je nastavilo aktivnosti i pribavilo mišljenja Ministarstva vanjskih poslova Bosne i Hercegovine, Ministarstva financija i trezora Bosne i Hercegovine i nadležnih organa za oblast penzijskog i invalidskog osiguranja Federacije Bosne i Hercegovine i Republike Srpske, u vezi pokretanja postupka radi zaključivanja Sporazuma o socijalnom osiguranju između Bosne i Hercegovine i Kanade.